

SINLAI - 5 NA PIANTHAK DAN TOH LAISIANGTHOU A KITUAK HIA?

Thumapi: Tulai in Pathian thu-awi kichi a Laisiangthou tawi chiatchiat lak ah leng kibatlouhna lianpi-pi a om hi. Hiai kibatlouhnate atangpi in thil thum ziak ahi naknak.

A. LAISIANGTHOU THU A KAWK NOP PEN KAWKSAK LOUH.

Thukhun Thak ah “Ginna kia” a hotdam chih a tuang het kei a, hiai thumal “kia” chih a tuanna sun ah leng “Ginna ziak kia maimah hilou in, thilhih ziak zaw in mi’n siam a tang zel uh chih na theita uh” (Jakob 2:24) chih ahi. Protestant Saptuam kichi khempeuh in “Ginna kia” chih thumal tuh Laisiangthou chih dan lou tak a la in “Ginna ziak kia” a hotdam i hi chi in a hilh uh. Hiai ah Laisiangthou in a kawk nop pen kawk khata lou in Pathian thu awi khak naksang in pial mangna lianpi a siam zaw hi.

B. LAISIANGTHOU GENKHAK LOUHPI VA BEHLAP.

Pawl khenkhat in naupang a khotheih ma baptisma tansak a ching ua; khenkhat in kum chiam nei in kum 15 a phak mateng a tang thei kei ding achi uh. Anih in adik i chi diam? Laisiangthou ah i mu kei tuaktuak. Huaiziakin Laisiangthou gen louhpi behlap a, kithuhilhna a zat tuh taklekna ahi lou thei kei (2 Johan 9).

C. LAISIANGTHOU A TUANG NAPI, ZANG LOU A ADANG KHAT A KHEKKHIAK.

Khenkhatte’n lah baptisma kichi “phum” ahi chih a theih nung un leng “theh thoh,” “buah thoh” khawng leng dik thou chi in a kilungkimsak teitei uh. Avek in dik vek i chi thei diam? Laisiangthou a tuang pen kia adik ahi (Marka 7:6-8). Laisiangthou in baptisma tuh Jesu Khrih sihna, vui a omna leh a thohnawna chiinna (Rome 6:3-5) ahi achih ziak in Pathian deihdan tuh “phum,” “vui” ahi (Kol. 2:12).

Hiai atung a hihkhelhna leh kituahlouhnate Laisiangthou kia pansan in, Thukhun Thak dungzui in hoih deuh in sui lehang baihlamtak in a sukbei theih ding hi. Laisiangthou gen louhpi behlap a, a gente bang zat louh thepthup ding achi kei a, “Mi’n thu a gen leh Pathian thute bang in gen hen...” (1 Peter 4:11) achi zaw hi. Laisiangthou in a gente lel gen in, a gen louhte ah daai mai lehang “Pathian thu-awi” i hi pen ding hi. Huan, Laisiangthou eimah ngaihdan dan kawksak mai lou in, a Laisiangthou mah i kihilhchetsak ding ahi. “Laisiangthou genkholhna himhim eimah kihilhchet ding ahi kei...” (2 Peter 1:20) chih gelh ahi ngal a.

I. NASEPTE - PIANTHAKNA BU

Mikhial, khristian hi kha nai hetloute khristian hih theihna ding/hotdamna ding toh kisai i gen Chiang in nungzuite (apostolte) nasep gelhkhiakna bu Nasepte nawtsiat theih ahi kei; hiai Nasepte bu in Thukhun Thak hun a kha mangthangte hotdamna huang a a lut dan uh chiantak a hon hilh ziak in. Huaiziakin “Pianthakna-bu” a kichi hial hi. Thukhun Thak hotdamna toh kisai a thu i gen Chiang in khenkhat in kisikna, khenkhat in baptisma i chi uh. Jesu gamdai a khem a a om lai a a thugen: “Mihing tanghou kia in a hing kei ding a, Pathian kam a thu chin pawt in a hing zaw ding uh” (Matthai 4:4) achih i mangngilh louh a deihhuai.

II. JESU SIH MA IN THUKHUN THAK KIZANG LOU

Jesu Khris tuh khros leek a suamhatpa mahbang in Mosi Dan nuai ah a piang a, Mosi Dan nuai ah a si hi (Gal 4:4). Huaiziakin, Jesu thohnawn ma in kuamah khristian a om nai kei. Aziak tuh khristian hihtheihna dia a thupiakte zat a a om nailouh ziak in (Heb. 9:15-17). Hiai i chih in khros a a sih ma in kuamah hotdam in a om kei i chihna hi zenzen lou in, a hotdamte leng khristian a kichi kei uh i chihna hizaw hi (Nasepte 11:26). Jesu van a a kah dek kuan in hiai khristian suah theihna dan tuh a pe pan hi. Huai a a dan piak tuh Matthai 28:18-20; Marka 16:15-16 leh Luka 24:46-49 ah i mu hi.

III. THUKHUN THAK ZAT DING HUN LUKA 24:44-49 IN A NA GENNA:

1. Hiai Thukhun Thak tuh Jerusalem a kipan ding.
2. Kisikna leh khelh ngaihdamna thu puanzak ahi diing.
3. Huai hun chiang in Nungzui 12-te thilhihtheihna a vat in a om diing uh.
4. Huai hun ding Jerusalem a a na ngak ding uh chih ahi.

Hilkhoh a om bang un, Jerusalem ah a na ngak ua; huchiin, Khasiangthou a buah in a om ua, thillamdang hihtheihna leng a nei pah ngal uh chih Nasepte bung 2 ah i mu. Huchiin, Peter in “Kisik unla, na khelhnate uh ngaihdam na ding in Jesu Khris min in baptisma tang chiat un” (Nasepte 2:38) a hon chi petmah hi. A thuzui peuhmah in baptisma a tang ua, mi 3,000 khawng ahi uh (Nasepte 2:41). Hiaite pianthak dan mi tengteng in a etton ding ahi (Nasepte 2:39).

I gentaksa mahbang in Nasepte bu pen piangthakte leh a pianthak dan uh gelhkhawmna bu ahi; pianthakna mun 10 vel ah i mu hi. Piangthakte leh a pianthak dan uh aban-ban in i en suk ding uh.

IV. LAISIANGTHOU A PIANGTHAKTE PIANTHAK DAN

Hiai Laisiangthou tang kipete Nasepte ngen ahi.

1. PENTIKOST NI A 3,000-TE:
Thuhilhna (2:14-36, 38-40), Zakna (2:37,41), Ginna (2:37), Kisikna (2:38), Baptisma (2:41)
2. SAMARITE:
Thuhilhna (8:5,12,25), Zakna (8:6), Ginna (8:12), Baptisma (8:12,16)
3. SIMON MITKHALDAWI-TAWI:
Ginna (8:13), Baptisma (8:13)
4. MI-CHILGEH:
Thuhilhna (8:35), Ginna (8:37), Ginna Puanna (8:37), Baptisma (8:36, 38)
5. SAUL:
Thuhilhna (9:17; 22:12-16), Zakna (9:4; 22:7,14,15), Baptisma (9:18; 22:16)
6. KORNELIA LEH ASUNGTE:
Thuhilhna (10:34-43), Zakna (10:22-23,44), Ginna (10:43), Baptisma (10:47-48)
7. LIDIA LEH ASUNGTE:
Thuhilhna (16:13), Zakna (16:14), Ginna (16:14-15),

- Baptisma (16:15)
8. TAAN-INN VENGPA:
Thuhilhna (16:32), Ginna (16:31,34), Kisikna (16:33),
Baptisma (16:33)
 9. KORINTHTE:
Thuhilhna (18:4-5), Zakna (18:8), Ginna (18:8),
Baptisma (18:8; I Korinth 1:14).
 10. EPHESATE:
Thuhilhna (19:4), Zakna (19:5), Baptisma (19:5).

V. PIANTHAKNA KALBITE LAKKHAWM THUHILHNA

Atung a pianthakna 10-te lak ah 3-na chihlough thuhilhna a nei masa uh chih a tuang kim vek hi. Himahleh, ginna a nei uh chih a hon hilh ziak in thuhilhna a nei ngei uh chih i thei thei hi (Rome 10:17)

ZAKNA: 3-na, 4-na leh 8-na ah zakna gen kha kei mahleh kithuhilhna a nei uh chih i muh ziak in a za ngei na uh chih a chiang mahmah nawn hi.

GINNA: 5-na a Saul pianthakna a genna ah, ginna gen kha kei mahleh baptisma a tang chih i muh ziak in ginna a nei chih a chiang mahmah nawn hi. A gingtate'n baptisma tang ahieh ziak in (Marka 16:16)

KISIKNA: 1-na, 2-na leh 8-na chihlough peuh ah kisikna gen kha kei mahleh khelhna kisik a piangthak ahi uh chih i theih theihna baihlam pen tuh Pentikost ni ate bang a piangthak ngen ahieh ziak un. Pentikost ni ate kisik a baptisma tang ngen ahi ua (Nasepte 2:38,41); huaite mi tengteng etton ding ahi ahieh ziak in (Nasepte 2:39).

GINNA PUANNA (KAM A GUPNA): Baptisma i tan dek chiang a a hon tangsaktu ding in hon thudotte dawnna tuh ginna puanna (kam a gupna) a kichi. Etsakna di'n: Michilgehpa'n baptisma a tan dek a "Jesu Khri Pathian Tapa ahi chih ka gingta" a chih tuh a ginna puanna ahi. Hiai pianthakna 10-te avek in ginna puanna (kam a gupna) a nei uh chih gen kim sipsip kei mahleh Rome 10:8-10 leh Matthai 10:32-33 sim lechin ginna puang lou a om ding uh na chih ngam ka gingta kei.

BAPTISMA: Nasepte bu a pianthakna i muh 10-te ah baptisma tanglou khat leng i mu kei. Nasepte bu a a baptisma tanna tuang lou Krispa, kikhopna-inn heutu (Nasepte 18:8) in leng baptisma a tang chih Paul in a gen (I Kor. 1:14). Huaiziakin hiai atung a Thukihilhna, Zakna, Ginna, Kisikna, Ginna Puanna leh Baptisma-te lak ah hiai mahmah poimoh pen ahi chi a khat kia va gen tuam ding a om kei; a kigawmkhawm chiang in thutak a suak hi (Sam 119:160). Huai thutak in sal apan hon suaktasak hi (Johan 8:32; 17:17).

SINLAI 5-NA ETKHIAKNA

1. Khristian kichi chiatchiat lak a kibat louhna nak aziak 3-te gen in.
 - i) _____
 - ii) _____
 - iii) _____
2. Khristian masate pianthakna leh a pianthak dan uh koi laibu ah i mu thei dia?

3. Jesu bang Dan nuai a piang ahia?

4. Jesu sih ma, a thohnawn ma in khristian bangzah a om a?

A om leh / a om keileh aziak bang ahia?

5. Jesu'n khristian hihtheihna dia a dan piakte koisan-san ah i mu thei a? Laisiangthou tang mun 3 gelh in.
 - i) _____
 - ii) _____
 - iii) _____
6. Thukhun Thak zat ding hun Jesu genkholhna, Luka 24:46-49 a athupi deuh point 4-te gelh in.
 - i) _____
 - ii) _____
 - iii) _____
 - iv) _____
7. Luka 24:46-49 a Jesu genkholh tangtunna koimun ah i mu thei a?

8. Thukhun Thak nuai a piangthak masapen, Pentikost ni a 3,000-te pianthak dan gelh inla, a Laisiangthou tang toh pia in.

9. Hiai piangthak masapente pianthak dan mi tengteng etton ding a hihdan genna, Laisiangthou tang khat gelh in. _____

Nasepte bu a piangthak i muhte baptisma tanglou a om uhia?

10. Nasepte 18:8 a Korinthte lak a piangthak Krispa, kikhopna-inn heutupa baptisma tanna koimun ah i mu thei a? _____

11. Hotdam hih theihna dia Laisiangthou in a gen Thukihilhna, Zakna, Ginna, Kisikna, Ginna Puanna leh Baptisma-te hihbukim lou in, mi hotdam in a om thei diam?

12. Hiai anuai a mun-awngTe sudim in.

i) “Huchiin _____ tuh _____ ziaik in a hong om a, huan, _____ tuh _____ kigen ziaik in a hong om hi” (Rome 10:17).

ii) “Himahleh _____ lou in amah _____ lam mi hih vual ahi kei; _____ kiang a hong pai in, amah tuh a om chih leh a _____ mite lohching sak pa ahi chih _____ ding ahi” (Heb. 11:6).

iii) “Huchiin, Pathian in i _____ lai khawng bang a _____ a, himahleh, tu’n ah zaw _____ chih a mi tengteng _____ ding _____ a peta hi, ni a chiam ziaik in” (Nasepte 17:30).

iv) “Huchiin, _____ ma a hon _____ peuhmah tuh, _____ ma ah _____ sam ding. Himahleh, kuapeuh mite ma a hon _____ tuh, ka _____ ah ka _____ sam ding” (Matthai 10:32-33).

v) “Huan, bangdia _____ na hia? Thou inla, amah _____ lou kawm in _____ tang inla, na _____ hihsiang ta’nla, a hon chi hi” (Nasepte 22:16).

13. Jesu hong pai nawn chiang a vaihawmna a a dan zat ding tuanna laibu min bang a kichi a? (Johan 12:48).

14. Laisiangthou a piangthak i muhte toh a pianthak dan kituakloute hotdam ahi ding uam?

